



**zenički privredni**

**2020**

# **BILTEN**

SLUŽBE ZA PRIVREDU I UPRAVLJANJE RAZVOJEM GRADA ZENICA I ZENIČKE RAZVOJNE AGENCIJE ZEDA

**SRETNU I USPJEŠNU 2021. GODINU ŽELE VAM  
GRAD ZENICA I ZENIČKA RAZVOJNA AGENCIJA ZEDA**





# NEWSLETTER 2/2020

*„Praznici bude ono najbolje u nama i potiču nas na davanje, na naše bližnje, na pozitivnost, dobrotu i promjene koje nas čekaju. U tom prazničnom duhu, hrabro i s vjerom u vlastiti doprinos, zajedno gradimo budućnost. Sretni praznici i neka nam Nova godina bude nadahnuće u ispunjavanju ciljeva i odgovornih zadaća pred nama“* – **Fuad Kasumović**, gradonačelnik Grada Zenice.

Ekonomski, socijalni, kulturni, politički, industrijski i turistički razvoj Zenice iz godine u godinu pokazuje rast u svim navedenim

kategorijama. Grad Zenica pronalazi različite mehanizme kako bi se Zenica razvila u moderan, evropski grad koji svojim stanovnicima ali i posjetiocima pruža različite sadržaje koji dokazuju da je ona grad koji je iz godine u godinu sve razvijeniji. Svaki put kada dođete u Zenicu vidjećete neku promjenu ili čuti da se nešto novo izgradilo, pokrenulo, otvorilo. Nove zgrade, obnovljene stare, utopljanje stambenih objekata, nove ceste, nova preduzeća, novi kafići, restorani, trgovine, uređenje postojećih poslovnih zona, izgradnja novih,

moderna rasvjeta, fontane, obnovljena šetališta, solarno drveće, klupe, uređeni parkovi, obnovljeni dječiji vrtići, nova dječija igrališta, obnovljena stara igrališta, uređenje sportskih terena, samo su dio pozitivnih promjena i realizovanih aktivnosti. Iz mjeseca u mjesec, Zenica se pozitivno mijenja i razvija, te svojim sugrađanima omogućuje ugodan život.

Grad Zenica / Služba za privredu i upravljanje razvojem i Agencija ZEDA u ovom Newsletteru predstavljaju samo dio realizovanih aktivnosti u drugoj polovini 2020. godine.





# REKONSTRUISAN CENTAR ZA MLADE U ZENICI



U septembru 2020. godine je svečanom ceremonijom, prigodnim obraćanjima i rezanjem vrpce u Zenici otvoren rekonstruisani Centar za mlade. Radovi na rekonstrukciji Centra za mlade podrazumijevali su provođenje mjera energetske efikasnosti i to zamjenu krova, prozora i vrata, termoizolaciju fasade, te ugradnju termostatskih ventila i kalorimetra. Rekonstrukcija Centra za mlade koštala je 126.574,79 KM, a finansirana je sredstvima Fede-

ralnog ministarstva prostornog uređenja, Ambasade Republike Bugarske u Bosni i Hercegovini i Grada Zenice.

Gradonačelnik Kasumović je ovom prilikom uručio zahvalnice N.J.E. Avgustini Cvetkovej - Karabaševoj, ambasadorici Republike Bugarske u Bosni i Hercegovini i Zdravku Buljeti, pomoćniku Federalnog ministra prostornog uređenja za podršku u realizaciji projekta rekonstrukcije Centra za mlade. Sredstvima Vlade Bugarske u

Zenici je već renoviran dječiji vrtić "Dunja".

Omladinsko udruženje "REaktiv" Zenica upravljat će Centrom za mlade shodno ranije potpisanom Sporazumu o međusobnoj saradnji na uspostavljanju i funkcionisanju "Centra za mlade" Zenica, između Grada Zenica i ovog Udruženja.

Svoje kancelarije u Centru za mlade već je dobilo šest udruženja koja kreiraju aktivnosti za mlade u Zenici.

PROJEKTI



**SRETNU I USPJEŠNU 2021. GODINU ŽELE VAM  
GRAD ZENICA I ZENIČKA RAZVOJNA AGENCIJA ZEDA**

# “STVARANJE USLOVA ZA UNAPREĐENJE POSTOJEĆIH I RAZVOJ NOVIH USLUGA LIND LABORATORIJE“

Agencija ZEDA je u okviru Javnog poziva za podnošenje prijedloga projekata za dodjelu bespovratnih sredstava u svrhu unaprjeđenja konkurentnosti privrednih subjekata registrovanih na području MEG partnerskih JLS kroz jačanje kapaciteta pružaoca poslovno-razvojnih usluga za dodjelu finansijskih sredstava implementirala odobreni projekat „Stvaranje uslova za unapređenje postojećih i razvoj novih usluga LIND laboratorije“. Ugovor između Projekta Općinskog, okolišnog i ekonomskog upravljanja (MEG) koji podržava i finansira Vlada Švicarske, a implementira Razvojni program Ujedinjenih nacija u BiH (UNDP BiH) i Agencije ZEDA je potpisan 10. juna 2019. godine nakon čega je zvanično počela implementacija Projekta.



Cilj projekta bilo je stvaranje uslova za unapređenje postojećih i razvoj novih usluga LIND laboratorije Agencije ZEDA te pomoć poslovnim subjektima proizvođačima namještaja u cilju podizanja nivoa njihove konkurentnosti na evropskim i svjetskim tržištima kroz usklađivanje njihovih proizvoda sa BiH/EU standardima.

Projektom je realizovana nabavka jedne univerzalne ispitne mašine većih dimenzija za ispitivanje namještaja za sjedenje i kreveta, što sada omogućava da Agencija može da ispoštuje zahtjeve naručilaca ispitivanja po pitanju vrste i dimenzija proizvoda, te zahtjevanih količina na osnovu čega LIND laboratorija postaje regionalni lider u oblasti ispitivanja sigurnosti proizvoda drvoprerađivačke, opreme za dječija igrališta i građevinske stolarije. Umjesto 6 planiranih ispitivanja, realizovano je 8 ispitivanja za 6 preduzeća proizvođača namještaja za sjedenje i kreveta iz MEG partnerskih jedinica lokalne samouprave (JLS). Realizovane su dvije edukaci-

je za proizvođače namještaja i izrađene su i distribuirane 3 brošure vezane za standardizaciju i ispitivanje u LIND laboratoriji, a prema potrebama proizvođača namještaja. Povećanjem kapaciteta LIND laboratorije Agencije ZEDA osigurana je mogućnost korištenja usluga iste za korisnike registrovane u MEG partnerskim JLS ali i za ostale proizvođače namještaja iz cijele BiH.

Unapređenje postojećih i razvoj novih usluga LIND laboratorije Agencije ZEDA također je u skladu sa Strategijom razvoja Grada Zenica, Mjera 34, Program Razvoj sektora drvoprerađivačke i proizvodnje namještaja.

Realizacijom svih projektnih aktivnosti unapređene su postojeće i razvijene nove usluge LIND laboratorije Agencije ZEDA, a kao pomoć poslovnim subjektima proizvođačima namještaja u cilju podizanja nivoa njihove konkurentnosti na evropskim i svjetskim tržištima kroz usklađivanje njihovih proizvoda sa BiH/EU standardima.





# ZEDA DOBILA NOVI PROJEKAT - iNnovaNet

Dana, 22. septembra 2020. godine, ZEDA je zvanično potpisala ugovor o dodjeli sredstava i započela implementaciju novog projekta **iNnovaNet - Innovative technologies for stronger businesses and improved business environment** (Inovativna tehnologija za snažnije kompanije i unapređeno poslovno okruženja) koji finansira EU.

Projekat iNnovaNet odobren je u okviru Drugog poziva za projekte prekogranične saradnje Hrvatska-Bosna i Hercegovina - Crna Gora (Interreg IPA Cross-border Cooperation Programme Croatia - Bosnia and Herzegovina - Montenegro 2014-2020). Temelji se na principima prenosa znanja i iskustava partnera u inovativnim tehnologijama i unapređenju infrastrukture kako bi odgovorila rastućim potrebama privrede i industrije. Glavni aplikant u projektu i vodeći partner je Zenička razvojna agencija ZEDA.

## Partneri u projektu su:

- IPNG-Industrijski park Nova Gradiška (HR),
- Inovaciono Preduzetnički Centar Tehnopolis iz Nikšića (CG) i
- Grad Gradiška (BiH)

Ukupna vrijednost projekta je **1.320.786,21 EUR** od čega EU finansira **85%**.

## Ciljevi projekta su:

1. Unapređenje poslovnog okruženja kroz stvaranje novih povoljnih i inovativnih mehanizama podrške za mala i srednja preduzeća
2. Poboljšati rad svih uključene organizacije i institucije kroz jačanje sposobnosti osoblja, usvajanje

Interreg - IPA CBC  
Croatia - Bosnia and Herzegovina - Montenegro  
iNnovaNet

TOTAL BUDGET  
**1,32**  
mil. €  
PROJECT DURATION  
15.09.2020.  
14.09.2022.

ENHANCING COMPETITIVENESS AND DEVELOPING  
BUSINESS ENVIRONMENT IN THE PROGRAMME AREA

**iNnovaNet**  
INNOVATIVE TECHNOLOGIES FOR STRONGER  
BUSINESSES AND IMPROVED BUSINESS ENVIRONMENT

ZEDA  
ZENIČKA RAZVOJNA AGENCIJA  
ZENICA DEVELOPMENT AGENCY

Tehnopolis

CRNA GORA

www.interreg-hr-ba-me2014-2020.eu

"This poster has been produced with the assistance of the European Union. The contents of this poster are the sole responsibility of Zenička Development Agency ZEDA and can in no way be taken to reflect the views of the European Union."

novih znanja i vještine i stvaranje mreže edukativnih centara.

## Glavni rezultati su:

1. Renoviran dio zgrade Agencije ZEDA sa minimalno 35 novih uredskih prostora za mala i srednja preduzeća
2. Najmanje 5 MSP smješteno u novouređenoj zgradi
3. Opremljeni inovativni centara za obuku i obrazovanje u partnerskim zemljama
4. Uspostavljena mreža obrazovnih i partnerskih institucija i razvijena virtualna obrazovna web platforma
5. Obučeno osoblje tri organizacije za podršku poslova-

- nju i jedna javna ustanova
6. Urađeni nastavni programi za treninge
7. Organizovano je 5 ciklusa obuke za 252 učenika/poduzetnika/nezaposlene osobe


Ciljne grupe su poduzetnici, studenti, učenici i nezaposleni iz Bosne i Hercegovine, Hrvatske i Crne Gore koji imaju potrebu steći kvalitetna i korisna znanja iz oblasti robotike, mehatronike, programiranja i upravljanja CNC mašinama, te imaju potrebu za poslovnim prostorom i poslovnom podrškom. Planirano trajanje projekta je 24 mjeseca.

# ZEDA U SARADNJI S PARTNERIMA ODRŽALA KICK-OFF KONFERENCIJU

U novembru 2020. godine, ZEDA je u saradnji s partnerima organizovala Kick-off konferenciju projekta iInnovaNet.

Na Kick-off konferenciji su učestvovali predstavnici Grada Zenice, Grada Gradiške, Nikšića, Nove Gradiške, Biroa rada Zenica, privrednika, akademske zajednice, razvojnih agencija i udruženja poslodavaca.

Učesnicima Konferencije je predstavljen projekat, aktivnosti koje su već realizovane ili koje su u toku, aktivnosti koje slijede, te su prezentovani očekivani rezultati i ciljevi ovog Projekta.



## NOVI PROJEKAT AGENCIJE ZEDA - Digital Design and Manufacturing – DDM



U oktobru 2020. godine Agencija ZEDA je potpisala Ugovor i zvanično počela implemetaciju projekta Digital Design and Manufacturing – DDM koji finansira USAID WHAM.

Projekat je počeo 15. oktobra 2020. godine, a planirano je da se realizacija završi 15. jula 2021. godine. Budžet Digital Design and Manufacturing iznosi 35.032,92 KM, a cilj je unaprijediti konkurentnost kompanija kroz programe edukacije za korištenje specijaliziranih digitalnih programa, te ponuditi studetima i nezaposlenima mogućnost sticanja novih kvalifikacija kako bi bili konkurentniji na tržištu rada i lakše osigurali radno mjesto.

Nakon što je ZEDA analizirala potrebe MSP-a u Zenici putem ankete i kroz intervju s poduzetnicima, zaključeno je da je najčešći problem za poduzetnike nedostatak kvalifikovane radne snage u području specijaliziranih računarskih programa koji se koriste u tim kompanijama, posebno programa koji se odnose na



CAD/CAM inženjere, CNC programiranje, CNC operatere i digitalni marketing.

Tokom projekta će se provesti obuka za korištenje - AutoCAD/FUSION 360 (u dva ciklusa) koju će izvoditi licencirani instruktori. U okviru ovog Projekta, planirana je i praktična obuka koja će biti organizovana u kompanijama koje su izrazile interes za učešće u Projektu. Također, provest će se testiranje kandidata i dodjelit će se certifikati nakon čega će se 5 kandidata zaposliti u kompanijama koje su izraze interes za učešće u projektu.

Rezultati projekta će biti:

- Završena dva ciklusa obuke za inženjere/profesionalce AutoCAD/FUSION 360
- Najmanje 40 osoba obučeno za AutoCAD/FUSION 360
- Obučeno 20 već zaposlenih ljudi
- Obučeno 20 nezaposlenih (diplomirani studenti i absolventi sa tehničkih fakulteta u Zenici)
- Do kraja projekta zaposleno najviše 5 ljudi
- Najmanje 10 MSP kompanija iz sektora prerade drveta i metala će nadograditi svoje digitalne vještine

# PROJEKAT “PRODUKTIVNA ZELENA INFRASTRUKTURA ZA POSTINDUSTRIJSKU GRADSKU REGENERACIJU” (PROGIREG)

Grad Zenica i Agencija ZEDA dio su međunarodnog konzorcija u sklopu Horizon 2020 programa EU zajedno sa 32 partnera u kojem imaju ulogu aktivnih učesnika kroz prenos iskustava i prakse vodećih gradova projekta, a koji je počeo 2018. godine.

Gradovi Dortmund (Njemačka), Torino (Italija) i Zagreb (Hrvatska) rade s još četiri grada u istočnoj i južnoj Evropi: Cascais (Portugal), Cluj-Napoca (Rumunija), Piraeus (Grčka) i Zenica (Bosna i Hercegovina) radi istraživanja, dijeljenja i proširenja rješenja zasnovanih na prirodi zajedno s 25 drugih organizacija uključujući koordinator Rheinsch-Westfälische Technische Hochschule Aachen (RWTH) i

ICLEI - Lokalne vlade za održivost. Ovaj projekat finansira Evropska unija kroz Horizon 2020 program. Planirano trajanje je od jula 2018. do kraja juna 2023. godine

Cilj ovog Projekta je razvijanje produktivne zelene infrastrukture u svrhu urbane regeneracije bivših industrijskih područja, razvijanje kriterija za održivi urbani razvoj, implementacija zelenih i pametnih tehnologija, zdravi način života, kombinacija rada i življenja, socijalne inovacije kao dio vizije jednakog urbanog razvoja unutar gradskih četvrti (Urban neighbourhood), a sve u skladu s načelima primjene rješenja temeljenih na prirodi (Natural Based Solutions), u sklopu EU programa

Horizon 2020.

U 2020. godini Grad Zenica i Agencija ZEDA učestvovali su u izradi ProGireg prostorne analize kao dio rezultata D2.2, aktivno su uzeli učešće u 9 Living Lab Lounge događaja, online sastancima posvećenim ostvarenim rezultatima na polovini projekta. Također, Grad Zenica i ZEDA su organizovali čitav niz intervjua različitih stakeholdera u našem gradu po pitanju NBS-ova koji se planiraju implementirati sa predstavnicima ICLEI, a koji su također partneri na projektu, te su aktivno učestvovali na izradi svih izlaznih rezultata koji su kreirani u ovoj godini, a koji su bili obavezni i planirani u okviru projekta.

## ZEDA REALIZOVALA TREĆI CIKLUS PROJEKTA „BUDI KREATIVAN I TI!“



Nakon što je Agencija ZEDA u 2019. godini počela implementaciju projekta „Budi kreativan i TI!“ u okviru kojeg je u prva dva ciklusa realizovala 21 kreativnu radionicu, projekat se nastavio i uslijedile su nove kreativne radionice.

Do sada je na radionicama učestvovalo više od 300 zainteresovanih za umjetnost, kreativnost, rukotvorine, novi hobi i pretva-

ranje hobija u posao.

Cilj projekta „Budi kreativan i ti!“ je jačanje kompetencija i sticanje novih vještina koje će biti podloga svima onima koji usavrše tehnike i vještine kreativnog stvaranja da u budućnosti hobi pretvore u posao.

Kreativne radionice su prilika da saznate da li nešto možete, koliko ste u tome dobri, na koji

način se nešto kreira, radi, da naučeno usavršite i pretvorite u biznis.

Projekat finansiraju Agencija ZEDA i Grad Zenica.

U okviru trećeg ciklusa realizovano je 15 kreativnih radionica. Ovaj projekat će se nastaviti i u 2021. godini, a o novim rezultatima projekta ćemo vas obavijestiti već u sljedećem newsletteru.



# INVESTICIJSKA FONDACIJA IMPAKT I GRAD ZENICA PODRŽALI 5 NOVIH BIZNISA U ZENICI



Investicijska fondacija Impakt i Grad Zenica, organizovali su u oktobru mjesecu 2020. godine u Zenici javno predstavljanje poslovnih ideja koje su razvijene u okviru integralnog programa podrške razvoju preduzetništva pod nazivom „YEP inkubator poslovnih ideja“. Na pomenutom događaju, predstavljeno je 12 poslovnih ideja iz kreativne i tekstilne industrije, informacionih tehnologija, proizvodnje hrane i uslužnih djelatnosti. Od 12 učesnika inkubatora koji su predstavili svoje poslovne ideje, odabrano je 5 najboljih koji će imati priliku aplicirati za bespovratna finansijska sredstva, kao i koristiti stručnu i mentorsku podršku za dalji razvoj njihovih poslovnih poduhvata.

Investicijska fondacija Impakt Sarajevo i Projekat zapošljavanja mladih (YEP), koji se realizuje uz podršku Vlade Švicarske, a koji je tokom 2018. i 2019. godine u saradnji sa 32 lokalne zajednice u BiH realizovao YEP inkubator poslovnih ideja u kojem je podržano osnivanje 120 novih poslovnih poduhvata širom BiH, u 2020. godini nastavili su realizaciju



aktivnosti koje se odnose na podršku razvoju preduzetništva i očuvanju radnih mjesta u obrtima i malim preduzećima, a u saradnji sa lokalnim zajednicama u Bosni i Hercegovini. U sklopu zajedničke saradnje između Investicijske fondacije Impakt i Grada Zenice u 2020. godini realizuje se integralni program podrške razvoju preduzetništva pod nazivom „YEP inkubator poslovnih ideja“ u okviru kojeg je 2 mjeseca organizovana preduzetnička obuka fokusirana na razvoj preduzetničkih kapaciteta učesnika Inkubatora.

Kao rezultat obuke, grupa od 12 polaznika je razvila poslovne modele i planove koje su predstavili stručnoj komisiji kao detaljne prikaze svojih poslovnih

prijedloga. Komisija, u čijem radu su učestvovali predstavnici Investicijske fondacije Impakt, Grada Zenice i JU Službe za zapošljavanje ZDK odabrala je 5 najboljih poslovnih ideja koji će u narednom periodu imati priliku aplicirati za bespovratnu finansijsku podršku u iznosu od 5.000,00 KM te koristiti stručnu i mentorsku podršku za dalji razvoj biznisa. Najbolje rangirani bili su:

- Lamija Beganović Uzunović - HAGI d.o.o.
- Ena Begičević Čeliković - Dizajn studio Elosso
- Zoran Šujić/Jadranka Tepić - Kashana
- Emir Bektaš/Sani Brljevac - Spark Solutions d.o.o.
- Mirela Tokalić - Kuća sladoleda ZARA



# GRAD ZENICA I AGENCIJA ZEDA PARTNERI U TRANSNACIONALNOM PROJEKTU – „AGORA“

Grad Zenica počeo je implementaciju projekta „Advancing innovative coGeneration Options for Reintegrating local Assets“ pod akronimom „AGORA“ u kojem ima status partnera, a Zenička razvojna Agencija ZEDA status pridruženog partnera.

Riječ je o projektu koji se finansira iz programa INTERREG Danube Transnational Programme – Dunavskog Transnacionalnog Programa i povezuje ukupno 28 stalnih i pridruženih partnera iz 14 zemalja (Rumunija, Hrvatska, Slovenija, Njemačka, Češka Republika, Belgija, Italija, i druge), a od čega 10 gradova. Vrijednost projekta je 2.242.623,51 EUR i implementira se od 01.06.2020. godine do 30.11.2022. godine, odnosno 30 mjeseci.

AGORA ima za cilj unapređenje rada lokalnih samouprava, odnosno jačanje kapaciteta za proaktivnu ulogu u oblasti razvoja, testiranjem i ugradnjom novih ope-



rativnih i političkih instrumenata za urbanu revalorizaciju imovine. AGORA raspolaže sa inovativnim pristupom koji podrazumijeva razvijanje različitih alata kojim se osnažuje 10 gradova dunavskog regiona da postanu pokretači i posrednici za bolju iskorištenost nekretnina u njihovom vlasništvu. Projektom će se koristiti evropska ekspertiza, kreativnost i lokalni kontekst u svrhu prevazilaženja ograničenja postojeće legislative, kao kulturoloških i konceptualnih razlika između gradskih admini-

stracija i drugih aktera u lokalnoj zajednici.

Implementacijom projekta AGORA, Grad Zenica i Zenička razvojna agencija d.o.o. Zenica će unaprijediti upravljanje gradskom imovinom (poslovni prostori, društveni domovi, Biznis inkubator, TechnoPark) poduzimajući aktivnosti na njihovoj kontinuiranoj rekonstrukciji kao i na uključivanju drugih aktera u procesu donošenja odluka za ponovno stavljanje u funkciju napuštenih ili dovoljno neiskorištenih prostora.

## GRAĐEVINSKIM RADOVIMA I IZGRADNjom NOVIH OBJEKATA POSLOVNA ZONA ZENICA 1 DOBIVA NOVI IZGLED

Nakon što su Grad Zenica i Agencija ZEDA proveli brojne različite aktivnosti na uređenju Poslovne zone Zenica 1 i stvaranju povoljnog poslovnog ambijenta (izgradnja saobraćajnica, izgradnja komunalne infrastrukture, rekonstrukcija javne rasvjete, postavljanje videonadzora i signalizacije, hortikulturno uređenje i parcelizacija) investitori su prepoznali Zonu kao odličnu priliku za investiranje i početak ili pak nastavak i proširenje poslovanja.

Danas u Zoni posluje više od 90 privrednih subjekata i na taj način Zona postaje mali grad preduzeća. U proteklom periodu provedeno je 5 parcelizacija koje su imale za cilj da omoguće prodaju neizgrađenog građevinskog zemljišta putem licitacije. To je značilo smanjivanje velikih parcela koje su u vlasništvu Grada Zenice i pretvaranje u više manjih parcela koje su pogodne za izgradnju poslovnih objekata MSP.

U posljednje dvije godine, 37 parcela je prodato, a 34 privredna subjekta su postali vlasnici. Ovim se



stvaraju preduslovi za otvaranje novih preduzeća, proširenje postojećih, te se omogućava otvaranje novih radnih mjesta.

Danas, prilikom posjete Poslovne zone Zenica 1, mogu se vidjeti brojni građevinski radovi i izgradnja poslovnih objekata. Kamioni, bageri, ravnanje i čišćenje parcela, mikseri, pijesak, mješalice, cigle, elementi, armaturne žice i izgradnja poslovnih objekata pokazuju Poslovnu zonu Zenica 1 iz drugog ugla. Nova slika dobit će se tek kada se i ova preduzeća

usele u nove objekte i započnu poslovanje.

Iz mjeseca u mjesec, Poslovna zona Zenica 1 se razvija i postaje sve atraktivnija za ulaganje i poslovanje. Grad Zenica i Agencija ZEDA već planiraju nove aktivnosti na izgradnji novih saobraćajnica kako bi omogućili novu parcelizaciju i time stvorili još jednu priliku za nove investitore koji su već dostavili pisma interesa za kupovinu neizgrađenog građevinskog zemljišta što znači još novih preduzeća i još novih radnih mjesta.

# IZGRADNJA PARKING PROSTORA U POSLOVNOJ ZONI ZENICA 1

U Poslovnoj zoni Zenica 1, u augustu 2020. godine počeli su radovi na izgradnji parking prostora uz Saobraćajnicu 1. Ulaganje je vrijedno 80.730,00 KM sa PDV-om, a obuhvata pripreme i zemljane radove, izradu kolovozne konstrukcije, te nabavku i ugradnju saobraćajne opreme i signalizacije. Nakon provedenog otvorenog postupka javne nabavke za izvođača radova odabrano je

preduzeće "TEHNO-PROMET" d.o.o. Zenica.

U Zoni posluje više od 90 privrednih subjekata, a izgradnjom parking prostora uz saobraćajnicu 1 biće znatno unaprijeđeni infrastrukturni uslovi.

Stručni nadzor nad izvođenjem radova provodit će Javno preduzeće za prostorno planiranje i uređenje grada "Zenica" d.o.o. Zenica.

S ciljem stvaranja povoljnog poslovnog ambijenta Grad Zenica i Agencija ZEDA već su proveli brojne različite aktivnosti na uređenju Poslovne zone Zenica 1 poput izgradnje saobraćajnica, izgradnje komunalne infrastrukture, rekonstrukcije javne rasvjete, postavljanja videonadzora i signalizacije, te hortikulturnog uređenja i parcelizacije.

## EKONOMSKO OSNAŽIVANJE SOCIJALNO I MATERIJALNO UGROŽENIH OSOBA I MLADIH OSOBA KROZ PROIZVODNJU POVRĆA U PLASTENICIMA- POTPISANI UGOVORI ZA DODJELU 20 PLASTENIKA

Potpisivanjem ugovora o dodjeli 20 plastenika u Zenici je u oktobru mjesecu 2020. godine nastavljena implementacija projekta "Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima".

Radi se o dodjeli plastenika od 100 kvadratnih metara sa sistemom za navodnjavanje i sadnicama.

Projekat zajedno realizuju Grad Zenica i humanitarna organizacija Muslim Aid Sarajevo.

Za nastavak realizacije projekta Grad Zenica izdvojio je sredstva u iznosu od 54.780,00 KM. Nabavna vrijednost jednog plastenika je 2.739,00 KM, od



čega Grad Zenica sufinansira nabavku u iznosu od 50%, Muslim Aid 40%, dok je vlastito učešće korisnika 10%, odnosno 273,90 KM.

Korisnici plastenika odabrani su putem javnog poziva.

Ugovore je sa korisnicima pot-

pisao gradonačelnik Zenice, Fuad Kasumović, koji je istakao da su u maju 2020. godine dodjeljeno 20 plastenika, te da je zbog velikog interesovanja nastavljena realizacija projekta i plastenike je dobilo još 20 korisnika.



# OD IDEJE DO PLANA - CIKLUS PREDUZETNIČKIH OBUKA U ZENICI

U periodu od augusta do oktobra 2020. godine traje je poduzetnička obuka u Zenici za grupu polaznika u okviru YEP inkubatora poslovnih ideja. Imajući u vidu okolnosti, tim Fondacije Impakt je preduzeo sve neophodne radnje u cilju zaštite zdravlja svih uključenih, a kako bi se svih šest obuka ipak odvijalo na ovaj način koji pruža interakciju sa učesnicima. Program je prilagođen okolnostima i omogućeno je umrežavanje i međusobno upoznavanje što je značajno za svakog preduzetnika.

YEP inkubator poslovnih ideja predstavljao je sveobuhvatan program inkubacije poslovnih ideja te se isti sastojao od niza komponenti uključujući preduzetničku obuku u trajanju od 6 dana u periodu od maksimalno 2 mjeseca fokusiranu na razvoj poslovnog plana i poslovnog modela, te jačanje preduzetničkih vještina. Učesnici obuke su imali kontinuiranu stručnu i mentorsku podršku trenera u izradi zadataka i finalnoj izradi poslovnog plana i poslovnog modela.

Uspješan završetak preduzetničke obuke koja se realizovala kroz šest termina, podrazumijevala je demonstraciju spremnosti za prihvatanje novih znanja iz oblasti preduzetništva, komercijalnog potencijala poduhvata i posvećenost članova tima realizaciji poslovne ideje. Zasiurno je da će Zenica biti bogatija dodatnim biznisima koji će obogatiti sadržaj i kvalitet života ne samo u Zenici već i u okruženju na što je Zenica definitivno ponosna kroz čitav niz ove pozitivne priče.

## AMBASADOR EU JOHANN SATTLER U POSJETI GRADU ZENICI I AGENCIJI ZEDA

U julu 2020. godine, Zenicu je posjetio šef Delegacije EU/ specijalni predstavnik EU, ambasador Johann Sattler. Ova posjeta je upriličena povodom primopredaje medicinske opreme koju je donirala Evropska unija za Kantonalnu bolnicu Zenica. Ovom prilikom, Ambasador je posjetio Grad Zenicu i Agenciju ZEDA. Tokom posjete, Gradonačel-

nik Grada Zenice, Fuad Kasumović sa saradnicima, EU delegaciji je predstavio ključna privredna dešavanja i razvojne promjene nastale u proteklom periodu. Tokom posjete Agenciji ZEDA, delegaciji su predstavljani rezultati projekata koji su sufinansirani EU sredstvima, a koje su implementirali Grad Zenica i Agencija ZEDA među kojima su Labo-

ratorija za ispitivanje sgrnosti proizvoda -LIND, Impulsni kreativni centar – ICC i Centar za poduzetnike i investitore – Business Point. Također, ovom prilikom, Ambasador je upoznat s projektima koji su u toku kao i sa onima čiji se početak uskoro očekuje. Delegacija EU je izrazila zadovoljstvo postignutim rezultatima i najavila nastavak saradnje.

## GRADONAČELNIK KASUMOVIĆ RAZGOVARAO S DIREKTORICOM UREDA EBRD-A ZA BIH O PROJEKTIMA POBOLJŠANJA ENERGETSKE EFIKASNOSTI U JU KBZ I “PLAVA VODA”

Koncem oktobra 2020. godine gradonačelnik Zenice, Fuad Kasumović primio je u svom Kabinetu direktoricu Ureda Europske banke za obnovu i razvoj (EBRD) u BiH, Manuelu Naessl. Glavne teme sastanka bile su realizacija projekta

poboljšanja energetske efikasnosti u JU Kantonalna bolnica Zenica i projekta “Plava voda”. Direktorica Naessl je navela da se radi se o dva veoma značajna projekta za EBRD i da je potrebno da se svi učesnici više aktiviraju kako bi se ostva-

rio napredak u implementaciji ovih projekata. Dodala je da je Zenica dio programa Akcioni plan zelenih gradova, koji uključuje druge investicije za poboljšanje uslova života i standarda građana Zenice.

# JAVNI POZIVI

U periodu od od augusta do oktobra 2020. godine, Grad Zenica je raspisao brojne Javne pozive koji su se prije svega ticali sufinansiranja poljoprivrede u našem gradu i to:

- Javni poziv za podnošenje zahtjeva za dodjelu podsticajnih sredstava za proširenje proizvodnje u oblasti poljoprivrede;
- Javni poziv za podnošenje zahtjeva za odobravanje podsticajnih sredstava za certificiranje organske proizvodnje;
- Javni poziv za podnošenje zahtjeva za odobravanje podsticajnih sredstava za regresiranje kamata za podignute kredite u oblasti poljoprivrede;
- Javni poziv za podnošenje zahtjeva za refundaciju troškova obaveza doprinosa za obrte u poljoprivredi.

Grad Zenica je za podsticaj poljoprivredi u budžetu za 2020. godinu izdvojio sredstva u iznosu od 600.000,00 KM.

Više informacija o rezultatima Javnih poziva predstavimo već u sljedećem broju Newsletter-a.



**IZDAVAČ:** Grad Zenica; **PRIPREMA PUBLIKACIJE:** Služba za privredu i upravljanje razvojem i Zenička razvojna agencija ZEDA; **AUTORI TEKSTOVA:** Armin Mujkić, Maida Mujanović, Ajna Dedić, Maša Škrbić; **FOTOGRAFIJE:** Mirza Subašić; **DTP:** Emir Čaplja; **ŠTAMPA:** MeligrafPrint Zenica